


瀘縣志

陰懋德署

地>80.85  
42  
部五:1-8



Pe83  
13200  
4729.1-8

瀘縣志

陰懋德署

地>80.85  
42  
部五:一八



Pe83  
13200  
4729.1-8

瀘縣志

民國二十七年  
十二月刊

# 補修瀘縣志

凡例



- 一 門類與蘇志門類略有變更具見蘇志及本目錄
- 一 舊志每門冠以小序各縣志亦多用此蘇志本富順縣志略之今仍蘇舊
- 一 本書以蘇志所無及至今成書日止查明應補者補入
- 一 各門類所補各機關沿革係查照各來稿開列編入餘如人物志之各種事略皆采之各傳誌各名人來稿
- 一 蘇志建置沿革較舊志略詳茲更博考補入者十五六
- 一 山脈水道舊志僅言大勢蘇志較詳審茲更別爲統系註明地望遠近
- 一 輿圖蘇志用李紹來調查所繪尙稱詳確茲復調查有得添註圖內
- 一 祀典祀孔蘇志惟載大清典禮茲遵民國三年禮制館擬定典禮及孔子廟位次編錄序列
- 一 風俗蘇志僅詳歲時令節餘均簡略茲從各方調查增爲習性信仰家庭生活社會組織服用衛生藝術數交際集會五篇
- 一 蘇志本舊志學校列爲教育純係國家教育茲增社會教育教育機關教育經費三篇
- 一 蘇志武備一門雜志詳異各目藝文五古五律七律各體未見其書今全部另行纂補
- 一 舊志人物志下列鄉賢忠節陣亡孝友隱逸烈女壽考流寓仙釋蘇志增革命先烈宦績行誼文苑獨行藝術改忠節爲忠義附義夫義友義僕改仙釋爲方外烈女亦增多門鄉賢所列人物因仍舊志漏未標題鄉賢今補之另列死事一門仿五代史例也
- 一 兵事一門舊志兼屬邑爲之幅員寥闊並有邊防茲曰縣志似可從略惟瀘縣據川南形勝兵勢衝要則前日之兵事亦後日之明鑒也舊志兵事與瀘有關者仍全列
- 一 查各縣志立傳從嚴編審委員箋註亦本此旨吾瀘潛德素多深恐幽光

未發前此登報徵求先今舊事略廣爲纂輯恐仍多漏閱者鑒之

一 蘇志仿華陽國志例合舊有藝文及近人著述彙爲一編今仿合江志例以有關考證者歸入原志各門餘仍入彙編著者非瀘人言關瀘事皆得采入瀘人不在此例未梓者較多非惟以文存人兼備輜軒之采然仍以大雅爲宗生存不錄爲限

一 此次雖云補修事半於創自經始至告成不逾一稔三人分任一人手鈔之稿逾十數萬言以物力凋敝之故採訪調查亦難分任如食貨之繁賾交通之日新月異尤一時未易紀載翔實昔宋景濂撰修元史以明太祖督責過嚴自開館及歲事爲時十月而九十年之歷史重複割裂久爲讀史者所嘲笑茲志當亦不免惟望吾瀘人更有以補之

瀘縣志目錄

卷之一

輿地志 建置沿革 位置疆域 城郭 山脈 水道 關砦 鎮鄉 壇廟

卷之二

交通志 郵政 電政 航空 陸路 水程 津梁

治制志 官制 軍制 官署 黨部 法團 團務 警察 慈善機關

職官志 職官表 治績

卷之三

食貨志 戶口 賦稅 幣制 鹽務 倉儲 蠲賑 歲支 農業 商

業 工業 鑛產 園藝 林業 畜牧 漁業

禮俗志 祀典 風俗

卷之四

教育志 學校教育 社會教育 教育機關 教育經費

瀘縣志

卷第一 目錄

一

久康鉛石印刷社承印

選舉志 科第 仕宦<sub>上下</sub> 宦績 封蔭 褒揚 議員

卷之五

人物志 鄉賢 忠義 革命先烈 孝友 賢<sub>母</sub> 烈<sub>婦</sub> 孝貞女 節孝上

卷之六

人物志 節孝下 壽考<sub>上下</sub> 行誼 死事 隱逸 獨行 文苑 藝

術 流寓 方外

卷之七

藝文志 書目 文詩

卷之八

古蹟志 勝蹟 碑記 金石<sub>上下</sub> 邱墓 坊表

雜志 兵事 祥異 外紀 補遺 補考 叙目

瀘縣志卷第一

乙亥重編

輿地志

建置

唐虞夏為梁州域商因夏制有庸蜀巴濮錯出其間周武王既克殷并梁州以合雍州以其宗姬封於巴爵之以子其地東至魚復西至夔道北接漢中南極黔涪則瀘固周之巴國也周慎覲王五年公元前三二六年華陽國志作周慎王蜀王伐其弟苴侯苴侯奔巴巴為求救於秦秦惠文王遣張儀司馬錯救苴巴遂伐蜀滅之儀貪巴道之富因取巴執王以歸置巴蜀及漢中郡漢高帝滅秦為漢王王巴蜀前二〇六天下既定乃分巴置廣漢郡建元六年前一三五又兩割置犍為郡世所謂分巴割蜀以成犍廣者也犍為郡屬縣曰江陽治江洛會者政今日之瀘治也春秋傳曰水北曰陽說文曰水南曰陰蓋江陽以在江北得名

水經注江陽縣枕帶雙流據江洛會也漢景帝六年封趙相蘇嘉為侯國史

瀘縣志

卷第一

輿地志 建置

久康鉛石印刷社承印

記江陽康侯蘇嘉漢表作蘇息索隱曰江陽縣名在東海按漢置東海郡為今山東齊魯州府東南至江蘇邳縣以東至海之地此與鄭注不同

犍為郡屬縣漢陽東漢改曰漢安為枝江都尉治水經注作岐江都尉段玉裁曰今漢書俗本班氏自注脫去枝江二字江

陽本犍為枝江都尉地也建安十八年三一漢安程徵石謙白州牧劉璋求立

郡璋聽之於是置江陽郡此據華陽國志晉書地理志則云章武元年二二二一分犍為立江陽郡屬縣四江陽附郭其地東

接巴郡南接牂牁西接廣漢犍為北接廣漢晉為益州江陽郡江陽縣惠帝之

後李特僭號於蜀稱漢益州郡縣皆沒於特是時益州郡縣雖沒李氏江左並遙置之桓溫滅蜀三四其

地復為晉有咸安二年三七益州復沒於苻氏太元八年三八復為晉有義熙

元年四〇梁益陷於譙縱寄治武陽號西江陽郡唐書地理志彭山漢武陽縣屬犍為晉於郡置西江陽郡按今彭山縣有江陽故城九

年四一三舊志云隆安元年誤也朱齡石平譙縱西定梁益復舊土置東江陽郡宋齊因之梁為瀘

州江陽郡江陽縣魏周因之

瀘州治馬湖江口李吉甫元和郡縣志作梁大通五二七至五二八初置樂史太平寰

宇記作大同五三五至五四五中置祝穆方輿勝覽李壘西山堂記云郡名為瀘者蓋

因梁大同中嘗徙治馬湖江口馬湖郡即瀘水下流因遠取瀘水爲名馬湖江爲瀘今屏山縣之大江以屏山即蜀漢時置之馬湖縣也通典州郡志瀘州瀘川縣杜佑自注云本漢江陽縣隋唐皆爲瀘川縣隋書地理志瀘川郡瀘川縣注云舊曰江陽並置江陽郡開皇五八一至六〇〇初郡廢大業六〇五至六一八初置瀘川郡縣改名焉段玉裁曰梁置瀘州治馬湖江口以馬湖江即瀘水故曰瀘州也後徙治江陽而仍舊稱爲失其實矣據此梁武帝雖初置瀘州而在馬湖江口江洛會之地固仍爲江陽郡江陽縣也

瀘卽說文驢字許慎曰齊謂黑爲驢段玉裁曰經傳或借盧爲之或借旅字俗

改爲爲之徐鉉說文新附瀘水名蜀水經曰瀘水色黑故以盧名蓋瀘爲黑

水之義禹貢華陽黑水爲梁州孔安國傳梁州之境東距華山之陽西據黑水漢書地理志犍爲郡南廣縣汾關山符黑水所出北至熨道入江又益州郡滇池縣有黑水祠蜀志諸葛亮傳五月渡瀘裴松之注引漢書地理志曰瀘津水出牂牁郡句町縣漢書作盧唯水元和志曰瀘水在瀘縣西一百二十里水峻

瀘縣志

卷第一

輿地志 建置

二

久康鉛石印刷社承印

急多石土人以牛皮船渡嵩州至瀘渡四百五十里蓋卽今金沙江也故金沙江卽瀘水爲古梁州之黑水李臺西山堂記所謂郡名爲瀘者因遠取瀘水爲名是也此與水經注所謂黑水出張掖雞山至於燉煌爲雍州之黑水與至于三危入于南海之黑水爲應屬今日之瀾滄江者各別顧野王輿地志以黑水至熨道入江與漢志及現勢均合而馬貴與狃於孔鄭通儒莫知其所譏其未爲實錄殊非是

隋煬帝大業初置瀘川郡瀘川縣武德元年六一改爲瀘州三年六二置總管

府尋改都督府天寶元年七四改爲瀘川郡依舊都督乾元元年七五復爲瀘

州均隸劍南道縣曰瀘川州所治也貞觀八年六三析瀘川置涇南縣尋省梁

開平二年八九前蜀建國仍曰瀘州瀘川縣唐同光三年九二郭崇韜滅蜀復

爲唐有長興四年九三孟知祥建國遂入後蜀建隆三年九六王全斌滅蜀遂

爲宋有因後蜀之舊仍曰瀘州瀘川縣至道三年九九分天下爲十五路瀘屬

西川路元豐一〇七八至一〇八五又析爲二十三路瀘屬潼川府路於時領縣三並屬

州十八置瀘州軍節度為軍事州宣和元年一九賜軍額乾道六年七〇升本

路安撫使蒙古入寇亟嘉熙三年三九築合江之榕山再築江安之三江積四

年四〇又築合江之安樂山為城淳祐三年四三又城神臂崖以守景九二年

六一六月潼川安撫副使劉整以瀘州叛降蒙古翌年六二正月四川宣撫使

呂文德復瀘州詔改為江安軍徙治江南至元十六年七九復改瀘州還故治

屬四川等處行中書省二十年八三徙州治茜草壩見四川通志卷五併瀘川縣入焉二

十二年八五隸四川南道宣慰司重慶路領縣三江安納縣合江明玉珍據蜀改曰瀘州

路軍民府明日瀘州洪武初仍屬重慶路於時由茜草壩徙江陽舊治即今治

所舊志所謂改拓蒲家莊犀牛寨而居之明史所謂西有寶山西南有乃山大

江在東資水自州北來合者也洪武六年七三直隸四川行省九年七六直隸

布政司屬下南道領縣三江安合江納縣天啓六年二六增置九姓長官司清沿明制光

緒三十一年〇五改九姓司置古宋縣三年十月五日一九一一年十一月二十一日瀘州光復設

瀘州軍政府置正副都督尋即裁撤設蜀軍都督府瀘州地方司令官民國二

瀘縣志

卷第一

輿地志 建置 疆域

三

久康鉛石印刷社承印

年一九改縣設瀘縣知事公署隸永寧道與舊領之三縣脫離十八年一九道

署裁撤十九年二〇一月一日改組縣政府易知事為縣長直隸四川省政府

二十四年三五六月全省劃分行政督察區十八瀘設第七區行政督察專員

公署轄縣八瀘縣合江納縣隆昌富順古宋古蔺叙永縣長由專員兼任

疆域

清一統志瀘州直隸州并鬼分野鶉首之次舊志瀘於天文井鬼之次入參四

度按本境位置約當東經一零五度十五分首都偏西十四度北緯二十八度

五十分東西相距一百七十里南北二百五十里面積約二萬六千方里據李紹來圖估

計毗連江津合江叙永納谿江安富順隆昌榮昌永川九縣東至江津界一百

里東南至合江界六十里南至敘永界一百里東南至納谿界三十里西至江

安界八十里富順界六十五里西北至隆昌界一百二十五里北至榮昌界一

百二十五里東北至永川界一百里西北至省七百五十里東至首都水程四

千一百七十四里

城郭

宋政和<sub>一一一七</sub>至<sub>一一二一</sub>孫義叟為瀘帥始築土城見舊志紹定中<sub>一一二八</sub>至<sub>一一三三</sub>魏了翁

知瀘州時瀘為大藩控邊面二千餘里了翁乃修武備治城郭為捍衛之計方見

與紀元末六燬洪武初夏人歸附用都指揮馬葉望奏開衛治令指揮皇甫霖

仍舊址砌石城高一丈五尺周九里七分計一千二百四十二丈宏治初兵備

羅安知州何綸拓基增建層樓經始乙卯九四二月至丁巳九七八月告成大

學士長沙李東陽撰記城門六曰寅賓旗遠拱極寶成會津凝光為明初以來

之舊名正德嘉靖間約當一五二二左右新都揚升蜀觀江漲時即有凝光會津等門名通志以諸門為隆慶中一五六七至一五七二兵備田應秀增開蓋誤崇禎末獻賊燒燬

頽塌日甚康熙四十七年〇八知州張士浩捐修樓堞欄柵次第完繕乾隆二

十二年一七知州夏詔新以東城崩塌又火災率士民捐貲修葺增建小北門

於西北隅樓堞欄柵悉行鼎新光緒七年一八西北隅傾圮分巡道延祐撥公

款培修十七年九一知州李玉宣重建拱極會津兩門樓堞民國六年一七自

大北門以西一段城垣崩潰數十丈知事張景星廣即籌貲修葺八年一九又

瀘縣志 卷第一 輿地志 城郭 四 瀘縣久康印刷社承印

新建寶成門樓堞十一年二九師長楊森駐瀘折去小較場城垣一段十三年

二四新建寅賓門樓堞十四年二五師長楊春芳復將小較場城垣補葺並增

建小西門於西南隅十八年修築市街馬路折寅賓門

明李東陽修城碑記瀘為蜀名州當雲貴要地南接大壩諸夷犬牙相入古

者設險守國王公所同况邊疆之域要害之區苟非崇墉峭壘固壘深溝何

以控扼險隘國初建一衛三所置城池宿官兵以控制之成化丁亥諸夷作

亂朝廷命將討平乃徙衛於渡船堡逼大江以扼兵衛且特置按察副使一

人專治兵備統紘馬瀘羅君時泰實任茲職政理就緒周覽城堞慨其卑隘

彫圯不足以居重服遂命州司為修築計為之吏者曰吾之責也不可以緩

為之兵民者曰吾所恃也其孰敢或後參譁交作杓椽竝舉於是隍增洫濬

圯繕壤修塗頰飛文製磁禦敵靡不完整經始於宏治乙卯春二月至于丁

巳秋八月告成知州何綸同知趙廣實終役而州人鄧公順太僕寺徐君鴻

舉刑科都給事中張君大用及公弟僉事君卿請予紀其成績余維今之郡

縣卽古侯國但疆土非世守官吏不典兵士大夫職任邊疆者但幸終任之內寇戎無警燧燧不驚則怡怡養安雖明知夷性匪茹動作有時而及厝火未然且臥積薪之上以避興工動衆勞民傷財之責成至圖求久安計防未然其經畫闕如也今羅君治瀘先撫輯而後號令賦歛有時以贍其財徭役不苛以養其力俟其時之可爲然後諄諄諭勉先之以悅而使之以役是以官不虛帑藏民不生怨咨其不日而奏功者皆集衆志而成者也是役成而保障之功著捍禦之計完邊境頑酋縱有狡焉思逞之心亦將阻於高隍堅壁扼其喉項而心折氣奪疆宇爲之永寧是羅君之有造於瀘人者大也自今以始守茲土者親恬養之樂而念修葺之勤其不繼君以圖勿壞者非所望於後之人也羅君能舉賢任人盡其才以成厥功其在瀘嘗闢演武場遷瀘衛於納谿路更定遠江門三堡何綸趙廣諸賢人之功居多他如葺尹太師諸葛武侯祠廟修州縣志皆其餘力也

夏詔新重修瀘州城垣碑記文不載

碑在城北大街字跡久已漫滅不復可識舊時刑人於碑下俗謂之殺人碑民國四年修街拆去清

### 瀘縣志

#### 卷第一

輿地志 城郭

五

瀘縣久康印刷社承印

明楊慎凝光門觀江漲詩六月奮井無禽七月乘船入市樓臺蜃氣晨浮原隰龍鱗秋洗望洋河伯自矜鬻渡津人爭喜東林老納厭喧喚打暮鐘清耳會津門觀江漲詩渺渺波環紫貝蕭蕭風起青蘋花市寧非海市美人疑是鮫人眉應春山學翠臉凝秋水如神銀漢雙星漫渡石城兩槩無津

清王士正聞官軍復瀘州詩月黑砥連營嫖姚轉戰輕已探猛虎穴急扼釣魚城三峽烽相照雙江浪漸平萬州羣盜在從此事刀耕

按魚洋此詩當作於瀘進告變時無可繫屬故附載

此於

城廂市街分隸警察五區其名稱如左

鈕子街 寬厚街 向陽街 衙院街 魚市街 大北街 荒市街 武廟街 朱紫街 桂花街 篋子街 蒲家街 道署街 三倒拐街 黑神廟街 錢局街 會津門城垣街 大北門城垣街 小北門城垣街 西門城垣街 上警察一區

三牌坊街 東門正街 鐘鼓樓街 西門正街 皂角巷 院前街 韓家

埧街 卸甲橋街 水井溝街 白塔街 迎敵橋街 慈善街 學坎上街  
 南角頭街 凝光門街 文廟街 范井坎街 三星街 營盤街 財神  
 廟街 專城街 南極子 前興隆街 後興隆街 庫房街 東門城垣街  
 凝光門城垣街 南門城垣街 上警察二區  
 寶慶街 順城街 人和街 銅店街 營溝頭街 鉛店街 井溝街 中  
 和前街 中和後街上警察三區  
 大河街 後河街 鐵石板街 管驛嘴街 小河街 世壽街 魏家街  
 琵琶溝街 太平街上警察四區  
 火炮街 扇子街 上碼頭街 小街子 資江街 中碼頭街 大街上  
 綾子街 孝義街 豆子街 橫街子 豬市街 新街子 轉角店街 寶  
 蓮寺街 半邊街 倒退街 上警察五區

距城西七里郭南至大江北至沱江為城堞十餘里中有關曰龍透今稱險  
 固廣輿記云世傳諸葛武侯立明崇禎末補築有崇禎十一年新建神臂關碑

瀘縣志 卷第一 輿地志 郭城 六 久康鉛石印刷社承印

記略可辨識今之重關同治二年署牧周錫齡因舊址傾圮所建也 名勝志作龍建關

新建神臂關碑記崇禎十年丁丑十一月十七日余甫到江陽而是時州中  
 口口口口急口謀所以守口口口日僉曰龍透山為忠山咽喉守之口口口口  
 口口形勢口口我口且無可著足僅一綫可通來往口口口立召匠鳩工伐  
 木口口口當道處設為隘結石為壘高可丈餘廣則倍之中留一門立之以  
 口備出入也上設一樓口櫺布列便眺望也口口口口口口口口口口  
 口門利防守也名之曰神臂關既成口口口口口口觀斯岡也測高口口視  
 遠口深山曲徑而不得其利矣而又口口口口兵將之口口口口矢石從容  
 口而一有警自足制賊死命不待對壘而勝算在我矣是役也起於丁丑成  
 於十二月念口日凡木石工師之費皆自口口不動公幣而始終其事者則  
 衛經歷江輅為之時州守口明新至口觀厥成口口有光口口口口關皆次  
 第成之是為記崇禎十一年歲次戊寅孟春吉立  
 賜進士奉政大夫四川按察司分巡下南道僉事參政

山脈

瀘之山脈在江南者為南嶺正幹烏蒙山之餘脈烏蒙自雲嶺東延繞金沙江盤江之間東北行經滇黔邊境而入蜀之敘永至敘永東北境約距瀘境三里而為普照山瀘南岸忠崇之山皆由此發脈故曰普照山脈在江北者為北嶺正幹岷山之餘脈岷山分支走於岷江與大金川間曰邛崃山脈東南走經青城山龍泉山而伏復經仁壽榮縣富順至江安瀘縣交界之地而為禱祝山故宜民之山曰禱祝山脈又分支走於岷沱及涪江間者曰鹿頭山脈經銅梁永川以入瀘蜿蜒於里仁麟現與衣錦間者曰薄刀嶺山脈以入境之山曰薄刀嶺也又分支走於瀘與隆富邊境者曰龍貫山脈以近天洋坪之龍貫山較為著名也

普照山脈自敘永北走入瀘境蟠結為大里村大里村踞胥溪永寧河間南為

營盤山鉅縣城南一百十里登迤北曰雙鳳山山場之南又北曰金鳳山山場之北東曰鐘

鼓樓山南九十里白節灘正西東南曰三華山南一百里白節灘之南東西相距約三十里南北約五十里

瀘縣志

卷第一

輿地志 山脈

七

久康鉛石印刷社承印

本境唯一之高原也自三華山東北走至大旺場分支向西北走者為小帽山

與大帽山相連大帽山南七十里在大旺場與豐樂場間大南山南六十里豐樂場西南北走近利和場者為小鼓樓山南

八十其東曰仙頂山東南八十里近合江界舊志作在羅東溝誤其西曰羅東山南七十餘里利和場大旺場間又西出至豐樂

場之西者曰沙山南五十里以上皆忠信之山也其接小鼓樓而入崇義界者曰鼓

樓山即大鼓樓東南八十里近利和場由此北出折而西至忠信近納谿境曰朝陽山南三十里豐樂場西北二十五里

又北至分水嶺折而西曰四峯山東南三十五里大小石子山東南三十里豸角山南二十里南壽山

南六十里以上諸山皆橫列於太安場之南折而西北至江濱有少鶴山迤西至忠

信境與朝陽山紗帽山毗連有九川山南二十里其由分水嶺北出經蕭山萬

山東五十里近彌陀場而西折者為三潭觀東五十里近彌陀場三潭觀北曰蘇家山東北曰蓄穀山東五十里

十餘里近中興場西為賽峯山在四峯山北一名雞峯山

營盤山 嶺上五峯挺立鄉人呼為五嶽朝天傳明末流賊屯聚於此插旗嶺

外故今名插旗山

雙鳳山 一名雙峯山雙峯前高後低時立雲表登之可望百餘里上有古刹

今存隆慶三年一五六九鉅鐘臥山中焉清實生游衛仁有雙峯八景見增開

金鳳山 尖峯聳峙其形如鳳故名

鐘鼓樓山 峭壁如削

三華山 三峯鼎峙山周數十里田疇稀比竹樹清幽

大帽山 與小帽山相連其形如帽

大南山 周數十里產茶最盛

鼓樓山 林木最盛與小鼓樓相連處爲雙鎖關旁有石筍卓立高數十尋

仙頂山 上有韓飛霞修煉處洞天石壁刻古風一首末句云風情流出落花

素餘多剝蝕書法飛舞惜題者姓名不存

羅東山 一名尖峯又名飛鳳山其巔僅容一席下爲羅東漕峯巒層聳周太師尹吉甫故第及堊兆俱在焉

清鄭秉桓羅東賦層巒巖怪石嶽從龍蟠鳳翼淵然若術實爲大壑號曰

羅東赤壁嶙嶙而峙其側翠嶂疊疊而環其中恍鳳城之屹立擬雉堞之爭

瀘縣志

卷第一

輿地志 山脈

八

久康鉛石印刷社承印

雄紛藤蘿以翳日雜桂芷以生風聞猿聲於月殿指鳥跡以雲叢振衣而力抗千仞長嘯而氣貫白虹忽仰躋而惴惴忽俯瞰而恍恍疑蛟龍之出沒洵虎豹之藩籠惟中峯之挺秀獨脫穎而上翀傲神女之十二射太虛之九重睹天柱於瀛島植仙仗於華嵩弄煙雲於筆底掛星月於戈鋒維山降神厥誕偉人曰尹吉甫秉國之鈞嵩高賦而風流代絕戎車飭而王國鼎新弼中與於姬代博雅譽於蜀岷鹽梅之望既隆蓼莪之化遂遠憐閔損之不堪知重耳之未免聞履霜而六月生寒睹長江而五內爲泣想其劍履南入簪纓北轉戚里之望正賒陳遵之轄不倦晨霜暮雨時沾奔競之襟澗草徑松每識趨承之面無如世久代深陵遷谷變恨石徑與松門倏桂宮而蘭殿牧人識華表之基郡守缺椒漿之奠豈消息之無常亦盛衰之互擅予乃仰觀雲物俯察地紀剪菊徑於陶門接芳鄰於孟里撫髀而氣凌紫霄按劍而威憚青兕時登高而遠眺時臨流而洗耳搜幽芳以佩貽賡喬木而徙倚天若高而可捫泉雖深而洌泚北窗寄傲則疎竹龍吟南畝策筇而爽氣襲履或尋

詩於嶺上或訪友於棘杞惟數著之殘碁列山殺而酌醅至若晦明風雨柴  
扉半啓然湘竹以代膏理素琴而漫撫朗誦莊騷狂歌梁甫但聞蟪蛄之啾  
啾曾不識人間之纓組亂曰若有人兮山之隅紉申椒兮佩琨瑋牽櫻柳而  
容與兮撫長劍之鏤鏤願與予言同歸兮無致恨夫砭砭

沙山 周二十餘里山半有大小坪民國四年南北軍交戰於此

朝陽山 峯巒尖銳特立孤高上有朝陽觀爲明時古刹

四峯山 與豸角山相對峙

石子山 漫山石子如棗如栗山上常年溫煥材木不植庶草蕃蕪

豸角山 特出衆山之上與四峯山相望上有呂仙亭遺蹟巔有石矗立如角

故名石今已圯

南壽山 山形高秀宋熙寧中一〇六八至一〇七七 置寨於此名博望後平宴州叛夷守

臣繪圖以進神宗悅之賜今名 舊志云初名博望即諸葛武侯屯兵處○郡中諸山水多指爲武侯遺蹟相習而莫辨其非按武侯征蠻渡瀘乃在越嶲之地由黎州而兩林而彭澤而雋州以達於瀘水然後南抵弄棟即姚州地也前輩辨之甚詳而舊志中輒相傳武侯於此云云曰博望寨曰撥旗山曰安遠寨曰八角倉種種訛傳不可枚舉欲概削之而有所不可也故爲辨之如此

瀘縣志 卷第一 輿地志 山脈 九 久康鉛石印刷社承印

少鶴山 清學使吳省欽因鶴山院長楊卓請而名之大書於巖上

賽峯山 一峯孤挺與四峯相望

禱祝山脈自江安東走入境經鎮龍山 西六十餘里 折而南經馬嶺 西南七十餘里 折而東

爲方山 西南四十餘里 華陽山 西南三十五里 又東北爲煙燉山 西二十里 馬鞍寺 西二十里 又東

爲龍透關 西八里 寶山 寶成門外 瑞鹿山 旅遠門外

方山 一名雲峯又名回峯唐天寶六年敕改今名名勝志云其山八面下瞰

兩江通志云山有九十九峯高聳秀削上有積雪峯乃九十九峯第一峯冬春

積雪晴光遠照如玉屏 按九十九之名不傳久矣清乾隆乙未僧慧安遊天台山開之天台老僧歸與南海僧越道探考明確曰雪霽峯巔油峯龍峯慧日峯五老峯普明峯獅子峯書眉峯

錦屏峯紫微峯接天峯文殊峯千里峯文筆峯薄刀峯背寶峯小峨峯土地峯望遠峯鏡鉢峯凌雲峯回峯太極峯飛霞峯象鼻峯王峯松濤峯芙蓉峯華陽峯天香峯降龍峯風拂峯獅峯鈴峯伏虎峯觀斗峯登台峯中興峯雷音峯觀音峯善財峯龍女峯聖水峯白練峯妙高峯德雲峯別見天臺峯狀元峯弱獅峯芝蘭峯瑞雲峯湧蓮峯普照峯揮塵峯談玄峯碧翠峯賞吟峯葦局峯補桐峯般若峯呼猿峯雁字峯指月峯一筆峯面壁峯靈泉峯耀金峯栖鶴峯留帶峯護國峯四面峯華嚴峯祝聖峯照明峯天竺峯麒麟峯玉露峯寶印峯金英峯點石峯長壽峯雲峯竹浪峯貓兒峯歡喜峯鉢盂峯龍潭峯卓錫峯東澗峯玉皇峯白雲峯彩霞峯心月峯石盤峯欄柯峯臥雲峯迎江峯 見方山志

明韓位甫方山詩擊槩情何壯尋山興不窮江雲舒窈窕霧雨忽溟濛浪花

前浦白漁火隔江紅泊岸舟生浪還期棹引風探奇猶有約重爲問青叢

華陽山 與方山相對山勢橫亘捲地而起

忠山 城後枕山也一名堡子勝覽云寶山初名堡子爲巡檢廨慶元間一一九五至一一九

○州帥陳損之移廨山西建堂其上安撫置制使袁說友榜其堂曰江山平遠易名寶山下瞰城郭萬瓦鱗集兩江合流又名得功山漢諸葛武侯嘗駐節於此上有武侯祠明崇禎時提學副使何閔中更名大忠山

明張駿寶山賦巍乎高哉蜀之寶山也卓乎瀘之南北襟三峽而帶巴淪控秦雍而引羌熒接青天之芙蓉擁金鰲之晶巖俯萬里之長江擎中天之日月分岷嶓之形勢領峨眉之地脈當要衝於大都實鞏固於上國迺其逶迤蜿蜒截業隆嶽迴巒伏嶺列壑攢峯直如戈戟森如劍鋒舒如旗幟覆如旃幟翳如鸞鷲蟠如蛟龍疊疊盤盤屹屹崇崇雄矣哉若三軍之歸大將尊矣哉若羣孫之依一翁其左右之羅列不啻衆星之拱北斗百川之秉朝宗也其東則沙灣春曉煙柳敷榮東壁夜澄明月輝映雲開林麓送來筆架之青日出扶桑光耀尖山之碧其南則涓涓滴乳湛湛澄溪荔枝畫永而鋪錦蒼

瀘縣志

卷第一

輿地志 山脈

一〇

瀘縣久康印刷社承印

巖翠現而呈奇其西則玉蟾之壁立千尋嘉明之澎湃七里雪霽方山冰融牙淡其北則小市而閭閻撲地資江而舸艦迷津餘甘樹老而晚渡之名未泯紫金堆沒而伯奇之蹟猶存若乃其中則州城百雉廣廈千間街衢洞達園圃瓜綿魚鱗萬瓦蜃采百繹人不得顧車不得旋揮汗成雨噓氣成煙州治則公堂雄冠而民情之所繫宮牆則杏壇清雅而風化之攸關轅門而甲兵肅肅鎮府而庶務平平白塔朝霞而飛簷翬起元壇高妙而疊榭棚窳至於百穀垂穎桑麻蒼蔭花卉之蔚麗草木之爭榮鳴琴自若草木不驚山有所利寶藏興嘆惟此山峻極於天扶輿清淑篤生英賢在周而降吉甫則爲帝室之良輔於宋而生鳴復則爲學士之觀瞻光明俊偉之士冠蓋相望文章才德之俊朱紫相連鍾此山之奇秀必於是而生焉予嘗登絕頂陟崔嵬竦予神以矗立發孤嘯而遠思思大禹之疏鑿嘆武侯之出師張魏之高名猶在文翁之風教如斯望昇仙慕相如之壯志瞻綿竹羨李白之雄詞視子雲亭而草玄何古讀王褒頌而用字何奇眉山在望仰三蘇之文學錦城入

眼企諸子之歌詩則夫名山大川通都巨邑可一覽而盡之睥睨乎巫峯之  
與匡阜岷嶓之與峨嵋歷古今而達險並天地而愈輝倘吉甫與鳴復之再  
作則予也揚眉吐氣與之齊驅並駕於明時

清王士正登忠山詩江源分內外千里會瀘州歷歷五峯影茫茫三峽流青  
山烟外寺黃篾水邊樓夕照層城暮迴風引棹謳

瑞鹿山 名勝志云在州城南五代周時道士尹希嚴開山有白鹿往來山中  
故名上建瑞鹿亭今已圯

薄刀嶺山脈自永川入境為薄刀嶺東北百五十里營盤場  
北永川榮昌瀘縣之交又西南出境經榮昌縣  
地至鐵門坎入境折而西南為五仙山北百二十里  
復興場西北門斗山北八十五里  
順江場北玉蟾山北七  
十五里石  
龍場西北

在沅水河中流者為中山北七十五里  
龍洞場東渡河為上白雲山北七十里龍  
洞場牛灘間至牛  
灘附近而隱沒其分支走於龍溪以東者為龍洞山東北一百里立  
石站青獅場間神山東北八十里  
雲錦場西北

雲錦山東北七十里雲  
錦場五通場間四望山東七十里五通  
場太平場間漢古山東七十五里  
白雲場西郭璞山東四十餘里漢  
江近太平場高奎  
山東二十里  
特凌場南走於龍溪以西者為匯龍山北五十里  
雲龍場東聚峯山北四十餘里  
雲龍場西越坡山北二十  
里

瀘縣志

卷第一

輿地志 山脈

一一

久康鉛石印刷社承印

洞鎮陽高山北十八里奇丫  
場石洞鎮間大通山東十五里羅  
漢場東北歸子山馬鞍山鉢盂山五峯山均濱江  
近小市

又分走於龍溪以西者為雪螺山西北四十五里  
來龍場官渡間寶峯山西北四十  
里胡市北  
五仙山 五峯聳峙遠望如仙人排雲出故名舊傳有五仙人弈  
棋於此石盤猶存

門斗山 山勢崩劣如列門屏故名  
玉蟾山 山勢高聳橫亘佛寺踞其巔山下有泉泉中有大石狀類蟾波動如  
生好事者於巖畔鐫劉海像苔痕被體儼與蟾通明楊慎大書玉蟾二字石

刻猶存

中山 屹立沅水河內砥柱中流故名  
上白雲山 橫亘盤礴約十餘里東與玉蟾山隔溪對峙上為治平砦

龍洞山 高聳特異麓有二洞扶梯而下內有石室溪水繞之  
神山 出花石紋如葡萄可為硯材上有古廟舊跡

雲錦山 上有古刹近建煙霞閣高凌霄漢  
四望山 平地拔起四望空闊故名